



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 33. Navarræ Rex, & Condæus Princeps per Papæ Bullam anathemate percussu.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

gali in Gallia opibus paulo ante Romam
fese receperat, hoc negotium deman-
dabat, quo ultro, citroque commeare
coacto tandem Principes, Aulæque
Franciæ Ministri Regem hortabantur,
ut Papam placare satageret, ac quic-
quam de sua auctoritate remitteret,
imo ipse etiam Estensis Cardinalis, qui
opportune cum ceteris Cardinalibus de
reddenda concordia agebat, rem ita
decidi curabat, ut Pisano Romam red-
eunti Papa circa res gestas aliquatenus
satisfaceret, vicissim vero Rex Nun-
tium antea nominatum admittere tene-
retur: itaque Nazarethanus Archipræ-
sul ad Aulam contendit, ubi præter ex-
pectationem Regis, qui hunc Præla-
tum nimis aperte Fœderatis patrocina-
tarum suspicabatur, Nuntius etfi
alias toto legationis tempore vehemen-
tioris indolis esset, summa modera-
tione utebatur.

§. XXXIII

*Navarræ Rex, & Condæus Princi-
pes per Papæ Bullam anathe-
mate percussi.*

Hæc dissidia longe minoris erant mo-
menti, ac severitas illa, qua idem
summus Pontifex Henrici Navarræ Re-
gis, & Condæi Principis apostasiam
ple-

Sæcul. XVI.
A.C. 1585.

*Maimb. hist.
de la ligue
l. 3. p. 83.
Journal de
Henri t. I.
p. 78.*

U 5

Sæc. XVI.
A.C. 1585.

plectebat; quippe id, quod Pater Matthæi Jesuita post tot itinera Romam suscepta a Gregorio XIII. obtinere haud poterat, tandem a Sixto V. impetratum fuerat; hic enim Pontifex vix obtento Sedis Apostolicæ folio mox auctoritate Apostolica sacrum fœdus confirmabat, atque in pleno Purpuratorum confessu contra utrumque Principem, qui ambo Calvinianæ factionis in Francia Duces erant, Constitutionem promulgabat, qua severior hucusque nunquam edita est. Erat hoc diploma a viginti quinque Cardinalibus subscriptum, ac die nona Septembris editum, quamvis nonnisi exeunte eodem Mense Parisiis publici juris fieret: Pontifex ibi præprimis potestatem, ac Pontificiam auctoritatem ultra legitimos limites extendens (*) subjungit, quod sui Ministerii officio adactus gladium Apostolicum adversus duos iræ filios stringere cogeretur.

*Mem. de la
Lig. tom. I.
p. 343.*

Postea in utrumque Principem investus, præprimis de Navarro Rege hæc referebat. „Hic, cum Calvinii errores „a puero imbuisset, ac tandem Caroli „Regis, Catharinæ Reginae ejus Mar- „tris, Cardinalis item Borbonii, & „Mon-

(*) Uti Continuatori, eique similibus videtur;

„Monpenferii piis, & assiduis monitis
 „adhibito doctissimorum Theologorum
 „colloquio melius instructus in Cathe-
 „drali Parisiensis urbis templo errores
 „publice abjurasset, seque minime in
 „veritatis semita procedere ipse agno-
 „visset, & propterea religionem Catho-
 „licam Romanam professus esset, & ut
 „ratum id haberet Gregorius decessor
 „meus, honorificam legationem ad
 „eum, tanquam supremum Ecclesie
 „Catholicæ caput, misisset, ideo præ-
 „fatus Pontifex a supra memoratis per-
 „suasus, cum serio pœnitentem, & ex
 „animi sententia Navarrum Regem age-
 „re putaret, ei absolutionis beneficium
 „impertivit, ac in fidelium communio-
 „nem eum recepit, & de vinculo affi-
 „nitatis, quod nuptiis ipsius, & Mar-
 „garitæ Regis sororis impedimentum
 „afferre poterat, gratiam fecit, sed
 „postea levitate, seu malitia insita ab
 „aula discessit, & rursus in primos erro-
 „res relapsus, a fide Catholica, & obe-
 „dientia Sedi Apostolicæ debita desci-
 „vit, & conventu publico indicto, quo
 „sceleratissimi quique Sectarii conflu-
 „xerant, fidei Catholicæ professionem,
 „quam Lutetiæ fecerat, revocans rur-
 „sus Calvinii doctrinam amplexus est,
 „seque Sectariis ab eo tempore ducem
 „præbuit, atque exercitus externos
 „contra

Sæcul. XVI.
 A. C. 1585.

Sæcul. XVI
A.C. 1585.

„contra Regem fororium in Regnum
 „induxit, cultumque antiquum ubique
 „profligans, omnia ferro denique, &
 „sanquine miscuit: præterea Condæus
 „Princeps ex Patre, & Matre Sectariis
 „prognatus in eodem errore a teneris
 „annis perseveravit, donec eadem,
 „qua Navarrus, ratione melius instru-
 „ctus religionem Catholicam, & ean-
 „dem gratiam a Gregorio XIII. sibi fa-
 „ctam, amplecteretur: verum pariter
 „ab ea mox defecit & paternis vestigiis
 „insistens externos Sectariorum exerci-
 „tus ad Regnum invadendum introdu-
 „xit, templisque exspoliatis, Sacerdo-
 „tes ubique jugulari præcepit, substi-
 „tutis in eorum locum impiis sectariæ
 „doctrinæ, quam profitebatur Pastori-
 „bus. Hæc cum omnibus publice ma-
 „nifesta, ac nota sint, & mihi abunde
 „de iis constet, stricto ultionis contra de-
 „testabilem hanc, & spuriam illustris
 „adeo gentis Borboniæ generationem
 „gladio, Navarrum, ac Condæum tan-
 „quam Sectarios, & in errorem rela-
 „ptos, sectariorum fautores ac defen-
 „sores publicos, ac manifestos, divinæ-
 „que Majestatis reos, & fidei Catholi-
 „cæ hostes proscribo, & declaro, quod
 „Navarrus quidem omni jure, quod
 „in Navarræ regno sibi competere
 „contendit, & ea illius parte, quam
 nunc

„nunc occupat, simul & Bearnii prin-
 „cipatu exciderit, Condæus autem,
 „& utriusque Successores omni prin-
 „cipatus, & dignitatis jure in præsens,
 „& in posterum pariter exciderint: in-
 „super indignos esse ipsos, & eorum
 „Successores, qui in ullum principa-
 „tum, ac speciatim in regnum Fran-
 „ciæ succedant, hac sententia pronun-
 „tio, atque subditos obsequii Sacramen-
 „to solvo, ac denique, tum Regem Chri-
 „stianissimum hortor, ut memor juris-
 „jurandi in inauguratione præstiti om-
 „nia sectarum semina extirpet, hanc-
 „que sententiam executioni demandari
 „jubeat: insuper Archiepiscopis, ac
 „Episcopis præcipio, ut exempla ejus
 „sententiæ, simul ac in manus eorum
 „devenerint, per totum Regnum pub-
 „licari curent.

§. XXXIV.

De Fato hujus Bullæ in Galliis.

Hoc diploma Romæ die vigesima pri-
 ma Septembris promulgatum, ac
 publice affixum postea ad Cæsiarem mit-
 tebatur, petente summo Pontifice, ut
 Imperator pro sua auctoritate curaret,
 ne Protestantes Principes hujus senten-
 tiæ executionem præpedire moliren-
 tur: verum Cæsar non multum de super
 sollicitus videbatur: in Galliis vero fœ-
 derati

Sæcul. XVI.
 A C. 1585.

Thuan. l. 82.
 Mex. abregé
 t. 3. p. 314.
 & 315.